

ԱՐՁԱՆԱԳՐՈՒԹՅՈՒՆ

«Բարձրավոլտ էլեկտրացանցեր» ՓԲԸ-ի կողմից իրականացվող «Իրան-Հայաստան 400 կՎ լարման էլեկտրահաղորդման օդային գծի կառուցում» ծրագրի /այսուհետ՝ Ծրագիր/ շրջանակներում Սյունիքի մարզի Մեղրի համայնքի /Վարդանիձոր, Թխկուտ և Այգեձոր բնակավայրեր/ վարչական տարածքում «Չանգեզուր կենսոլորտային համալիր» ՊՈԱԿ-ի «Արևիք» ազգային պարկի Բողաքար գետի ձախ ափին հարող 8.4 հա տարածքի անտառապատման նպատակով հանրային քննարկում

ՀՀ Սյունիքի մարզ, գ. Վարդանիձոր

12.11.2024թ.

2024 թվականի նոյեմբերի 12-ին՝ ժամը 15:00-ին, ՀՀ Սյունիքի մարզի Մեղրի համայնքի Վարդանիձոր բնակավայրի վարչական ղեկավարի նստավայրում տեղի ունեցավ «Իրան-Հայաստան 400կՎ լարման էլեկտրահաղորդման օդային գծի կառուցում» ծրագրի /այսուհետ՝ Ծրագիր/ շրջանակներում Սյունիքի մարզի Մեղրի համայնքի /Վարդանիձոր, Թխկուտ և Այգեձոր բնակավայրեր/ վարչական տարածքում «Չանգեզուր կենսոլորտային համալիր» ՊՈԱԿ-ի «Արևիք» ազգային պարկի Բողաքար գետի ձախ ափին հարող 8,4 հա տարածքի անտառապատման նպատակով հանրային քննարկում:

Քննարկումը վարում էր Մեղրի համայնքի Վարդանիձոր բնակավայրի վարչական ղեկավար Վ. Գևորգյանը, ներկա էին «Բարձրավոլտ էլեկտրացանցեր» ՓԲԸ-ի ներկայացուցիչ Ա. Ղարախանյանը, «Արևիք» ազգային պարկի տնօրեն Ա. Սամվելյանը, «Չանգեզուր կենսոլորտային համալիր» ՊՈԱԿ-ի անտառագետ Ս. Մարկոսյանը, «Սոլիդ թրեյդ» ՍՊԸ ներկայացուցիչ Ա.Գալստյանը և համայնքի բնակիչները (մասնակիցների ցանկը՝ ստորագրություններով և լուսանկարներով կցվում են արձանագրությանը):

Բացման խոսքով հանդես եկավ Վարդանիձոր բնակավայրի վարչական ղեկավար Վ. Գևորգյանը:

Այնուհետև ներկայացրեց հանրային քննարկումը նախաձեռնող կողմին և խոսքը փոխանցեց «Բարձրավոլտ էլեկտրացանցեր» ՓԲԸ-ի ներկայացուցիչ Ա.Ղարախանյանին:

Ա. Ղարախանյանը նշեց, որ 2006թ.-ին «Բարձրավոլտ էլեկտրացանցեր» ՓԲԸ-ի կողմից կնքվել է պայմանագիր՝ Իրան-Հայաստան 400 կՎ էլեկտրահաղորդման օդային գծի կառուցման նպատակով: Աշխատանքները սկսվել են 2016 թ.-ին, որի ընթացքում «Արևիք» ազգային պարկի տարածքի 4,2 հա անտառային ֆոնդին հասցվել է վնաս և համաձայն ՀՀ Կառավարության 30.08.2007թ. N 1045 որոշման՝ անտառային տնտեսությանը հասցվող վնասի հատուցման դիմաց պետք է իրականացվեն անտառային տարածքի առնվազն կրկնապատիկի չափով անտառապատման աշխատանքներ:

Ծրագրի շրջանակներում «Զանգեզուր» կենսոլորտային համալիր» ՊՈԱԿ-ի «Արևիք» մասնաճյուղի «Բողաքար» պետական արգելավայր» տեղամասում անտառապատման աշխատանքներ իրականացնելու նպատակով «Բարձրավոլտ էլեկտրացանցեր» ՓԲԸ-ին տրամադրվել է 8,4 հա տարածք, որտեղ առաջարկվել է տնկել անտառային պտղատու ծառեր: Տարածքները գտնվում են 1650-1700մ բարձրությունների վրա:

Կապալառու կազմակերպություն է հանդիսանում «Սոլիդ Թրեյդ» ՍՊԸ-ն, որը պատրաստել է նախագիծ, կատարել տարածքին համապատասխան ուսումնասիրություններ:

«Արևիք» ազգային պարկի կողմից տրամադրված տարածքը նախկինում եղել է գյուղատնտեսական նշանակության վարելահող, այդ պատճառով պլանավորվում է կատարել արժեքավոր ծառերի տնկում:

Նա նշեց, որ նախագծի նպատակն է վերականգնել անտառային տնտեսությանը հասցված վնասները, տարածքն ամբողջապես հանդիսանում է պետական սեփականություն, իսկ մոտակա բնակավայրերն են՝ Վարդանիձորը, Թխկուտը և Այգեձորը: Տարածքը ներկայիս դրությամբ չի մշակվում և որպես գլխավոր ծառատեսակ ընտրվել է ընկուզենին, իսկ որպես ուղեկցող տեսակներ՝ տանձենին, սալորենին, խնձորենին, բալենին և կեռասենին: Նախատեսվում է տնկումներ իրականացնել խառը սխեմայով, կառուցել ցանկապատ՝ ավելի քան 4 հազար գծամետր երկարությամբ:

Այնուհետև սկսվեց հարցուպատասխան.

«Արևիք» ազգային պարկի տնօրեն Ա. Սամվելյանը հետաքրքրվեց արդյո՞ք ծառատեսակների փոփոխություն եղել է, թե ոչ:

Ա. Ղարախանյանը պատասխանեց, որ ծառատեսակների հարցում ոչինչ չի փոխվել:

Գ. Մարգարյանը հետաքրքրվեց, թե որ տնկարանից են ներմուծվելու տնկանյութերը, քանի որ այլ վայրից բերված տնկիները կարող են վիրուս բերել իրենց հետ և վարակել ամբողջ անտառը: Այդ իսկ պատճառով պետք է իրականացվի հողի անալիզ և միայն համապատասխանության դեպքում կարելի է տնկել ներմուծված տնկիները:


Ի պատասխան Ա. Ղարախանյանը նշեց, որ ներմուծման համար կապալառու կազմակերպության կողմից ուսումնասիրվել է շուկան:

Նա հավելեց, որ նախահաշիվը օրենքի հիման վրա է կազմվում և ՇՄԱԳ փորձաքննությունը բարեհաջող անցնելուց հետո կհայտարարվի մրցույթ:


«Զանգեզուր կենսոլորտային համալիր» ՊՈԱԿ-ի անտառագետ Ս. Մարկոսյանը մեջբերեց, որ Բողաքարի տարածքը սկսվել էր շահագործվել 2020թ.-ից, գերմանական ընկերության կողմից պետք է հիմնվեր պտղատու այգի, սակայն պատերազմի հետևանքով ընկերությունը հրաժարվեց իրականացնել ծրագիրը: Լինելով սահմանամերձ տարածք՝ Բողաքարը չի շահագործվել, սակայն նպատակահարմար է համարվում հիմնել պտղատու այգի:



Ներկաները ողջունեցին ծրագիրը, դրական կարծիք արտահայտեցին և քանի որ առարկություններ և այլ հարցեր չեն եղել՝ Վ. Գևորգյանը շնորհակալություն հայտնեց ներկաներին և նիստը համարեց փակված:

Հանրային քննարկման պատասխանատու,
Վարդանիծոր բնակավայրի վարչական ղեկավար՝  Վ. Գևորգյան

Նախաձեռնողի ներկայացուցիչ՝



Ա. Ղարախանյան

